



1608\_226v\_Table\_4.jpg





1608\_302r.jpg



*Suite de l'Histoire de la Paix.*

302  
s'ayder de ceux du Prince Maurice & des E- 1608.  
stats, & non d'autres.

Nous auons rapporté l'an passé les Lettres que l'esleu Roy Charles & les Estats de Suece escriuirent aux Roy & Estats de Pologne: & le Manifeste que le Suecien fit publier: Voicy la responce que leur firent les Estats de Pologne assemblez à Craconie sur la fin du mois de Septembre de l'an passé.

Long-temps nous auons douté si on vous deuoit faire responce, pource que vos Lettres sont plus tendantes à eschauffer les esprits à la guerre, que non pas de les ramener à vne negotiation pacifique: mais afin que vous ne vous preualiez de ce que nous ne vous auons respondu sur ce que vous nous auez escrit contre nostre Roy, nous auons pensé de vous mander, Que nous ne cognoissons point d'autre Roy de Suece que le Serenissime Sigismond nostre Roy & le vostre, qui de droict naturel & equitable a succédé en son Royaume de Suece au Roy Iean son pere, & lequel vous auez mesmes recogneu pour tel, & luy auez presté le serment de fidelité & d'obeyssance, par lequel il a sur vous vne legitime souueraineté, telle que de son viuant nul ne peut estre surrogé en sa place, ny se dire vostre Roy, sans estre remarqué d'infidelité. Parquoy à iuste cause nous donnons les tiltres Royaux du Royaume de Suece au Serenissime Sigismond nostre Roy & le vostre, ce que tout le monde approuue: Mais nous vous blasmons d'auoir donné ces mesmes tiltres royaux à vostre Charles, qui de

*Lettres des Estats de Pologne aux Estats de Suece.*





M. DC. VIII.

226

Ambassadeurs du Turc à Vienne: & dudit Roy à Constantinople. Serment de fidelité fait par les Estats d'Autriche audit Roy, comme estant leur Archiduc. Nouveaux troubles pour la Religion en Autriche.

Entree du Roy *Mathias* dans *Presburg*. 240.b

Articles qui luy furent presentez par les Seigneurs de Hongrie. Sommation faite par les Protestans d'Autriche aux Estats d'Hongrie. Responce de l'Archiduc Maximilian à Turso. Aduis donné par les Hongriens aux Protestans d'Autriche.

*Helie Haskiesleu* Palatin de Hongrie. 243.a

Sacre & Couronnement du Roy de Hongrie. 243.a

Allemands ostez de leurs charges & dignitez en Hongrie.

Les Archiducs *Albert* & *Isabelle* enuoyent leurs

Deputez à la Haye en Hollande pour traicter de la Paix avec les Estats. 244.b

Le nom des deputez. Quelle reception leur fit le Prince Maurice. Paroles entre luy & le Marquis de Spinola. Deputez des Estats. Ambassadeurs assistans au traicté. Difficultez sur la liberté de la navigation aux Indes. Pourquoy les Holandois ne pouuoient laisser leurs navigations aux Indes. Traicté de Paix changé en vn de longues Trefues.

Lettres du Prince *Maurice* aux principaux & particuliers des Provinces unies, sur la proposition de faire vne longue Trefue. 247.a


Les deputez d'Espagne & des Archiducs se retirent de la Haye & retournent à Bruxelles. Les Ambassadeurs des Roys & Princes assistans audit traicté se retirent aussi. Paquils & libelles deffendus par le Conseil des Estats.

*D. Pedro de Toledo* Ambassadeur extraordinaire d'Espagne en la Cour de France. 251.b

Hh ij



1608\_243v.jpg



*Le Mercure François, ou,*

1608.


le, ledit Cardinal mit la Couronne sur la teste du Roy, & tout le peuple se mit à crier, Vive le Roy de Hongrie. Sur la fin de la Messe, ayant la Couronne sur la teste, il prit l'espee, ayant nee que tenoit Sigefrid Colonits Marechal de Hongrie, laquelle par trois fois il ietta sur les Ecclesiastiques en forme de Croix. Puis il reçut la Communion de la main dudit Cardinal.

La Messe dite, on fit largesse de pieces d'or & d'argent, & à l'instant le Roy entra par vne galerie de l'Eglise de S. Martin dans celle des Deschaulsez, ou apres que l'on y eust dit l'Evangile, il fit vingt-deux Cheualiers. De là, estant vestu d'ornemens Royaux, la Couronne en la teste, monté à cheual, il sortit par la porte Sainct Michel, & arriué à vne colonne que l'on auoit couuerte d'vn drap, il presta le serment aux Hongriens, & eux à luy. En fin il monte sur vn cheual instruit à sauter vne butte de terre, lequel il fit sauter trois fois par dessus: & puis il ietta encor par trois fois en forme de croix l'espee en l'air. Ce faict, il retourna au Chasteau, où le festin estoit préparé: L'Archiduc Maximilian, le Cardinal Fortgatis, le Nunce du Pape, & le Palatin Helie Hasqui disnerent à sa table: les autres Seigneurs au nombre de septante disnerent en six autres tables: la ioye fut grande en ce festin. On donna à la populace six bœufs & soixante cruches de vin: & aux Heiducques quatre bœufs & cent cruches de vin.

Le sacre & couronnement parachute, le Roy fit accommoder vn lieu dans le chasteau




1608\_302v.jpg






1608\_244r.jpg






1608\_303r.jpg





1608\_244v.jpg



*Le Mercure François, ou,*  
1608. tre lefdits Archiducs de Flandres & les Estats.  
Prouinces vnies manderent le 24. Decembre  
aux Archiducs Albert & Isabelle à Bruxelles,  
que s'ils vouloient enuoyer leurs Deputez à la  
Haye, pour traicter de la Paix des Pays-bas,  
que de leur part ils en estoient contents.


Après auoir obtenu les passe-ports necessai-  
res sur la fin du mois de Ianuier les Deputez  
du Roy d'Espagne & des Archiducs, s'achemi-  
nerent pour aller à la Haye: lefdits Deputez  
estoient, le Marquis de Spinola Capitaine Ge-  
neral des Pays-bas, le President Richardot,  
Iean Mancidor Secrétaire d'Etat d'Espagne,  
le General Ney, & le sieur de Verreiken: Leur  
suintte estoit de trois cents personnes, & qua-  
rante chariots. Ceux de la maison du Marquis  
estoient richement habillez; ses archers pages  
& trompettes estoiet vestus de velours rouge,  
auec les chaines d'or au col.

Le Prince Maurice va  
receuoir les  
Deputez.  
Premieres  
prouolesentre  
le Prince  
Maurice &  
le Marquis  
de Spinola.  
Le Prince Maurice scachant qu'ils deuoient  
arriuier le premier de Feurier à la Haye, alla au  
deuant d'eux iusques à Rissvik, qui est à demie  
lieüe de la Haye, auec les Comtes Guillaume  
& Henry de Nassau, & beaucoup de Noblesse;  
ils estoient dans huit carosses accompagnez  
de soixante & dix Cavaliers: A la rencontre ce  
ne furent que courtoisies: Le Prince Maurice  
dit en François au Marquis, Dieu qui faict les  
iours, & qui scait mes pensees, scait com-  
bien vostre ioyeuse venue m'est agreable, & le  
temps qui est fille de verité en dōnera tesmoi-  
gnage. Et le Marquis luy respondit, En verité

*Suite d*  
mon esperan  
ne contenten  
moyen d'esp  
s'augmente r  
Dieu me con  
pouuoir de  
m'acquiter c  
& en la cour  
Roy qui pu  
Après ce  
de toute cor  
en son coch  
Comte ne  
Richardot  
taire Manc  
Nassau fire  
Ney & le  
Comte de  
suintte du F  
qui accomy  
trerent dar  
Marquis i  
Pour tr  
part des E  
& le sieur  
Brederode  
ce, de Zela  
ze: de Sch  
ningue: au  
Greffier de  
Estoien  
traicté, le  
d'Anglet




1608\_303v.jpg



*Le Mercure François, ou*  
368. avec les Princes Chrestiens nos voisins, & que nous n'employons nos armes que contre les ennemis de la Chrestienté. Vous nous avez depuis peu escrit que vous desiriez sous des conditions equitables pacifier ceste guerre, & traicter d'un eschange des prisonniers que vous avez, avec ceux que nous tenons; dequoy nous sommes tumbés d'accord d'enuoyer des Commissaires de nostre part pour en traicter au lieu qui seroit accordé. mais de quelle foy vous estes compportez enuers nous, l'affaire le declare assez de foy-mesme: car sous ombre du traicté de trefues, contre vostre foy vous avez enuoyé vostre armee en Lituonie, & par vne trahison vous estes emparé de la forteresse de Dinemunde, dequoy nous auons esté depuis peu de iours aduertis, & avez renouuellé tous actes d'hostilité contre nous. Mais de ceste guerre ainsi commencee contre vostre foy, ayant assailly vne de nos Prouinces par armes, nous nous en submettons à Dieu qui fauorise tousiours le bon droit. Quant à l'eschange des prisonniers, depuis plusieurs annees beaucoup ont tumbés des vostres sous la puissance de sa Maiesté, lesquels bien qu'il les eust peu detenir comme rebelles, il les a toutefois renuoyez sans faire tirer d'eux aucune rançon extraordinaire: & ne vous a pas ressemblez en ce que vous detenez plusieurs prisonniers de tous sexes & aages qui n'ont iamais porté les armes, & en voulez tirer des rançons excessiues. La clemence est nee avec sa Maiesté: aussi elle a tousiours practiqué le vray deuoir d'un Princee



1608\_245r.jpg



*Suite de l'Histoire de la Paix* 245

mon esperance m'a remply ce iourd'huy d'un contentement, qu'elle m'a osté tout autre moyen d'esperer d'avantage : & toutesfois elle s'augmente maintenant en moy, esperant que Dieu me confirmera la force de mon desir pour pouvoir desservir envers leurs Alteesses, & m'acquiter de mon deuoir au service que ie dois, & en la courtoisie que ie reçois du plus grand Roy qui puisse estre trouué sous le Soleil.

Après ces premieres paroles, le Prince vfant de toute courtoisie disposa le Marquis d'entrer en son coche, & d'y prendre le premier lieu. Le Comte Henry en fit de mesmes au President Richardot, & le Comte Guillaume au Secretaire Mancidor. Les Côtes Ernest & Jean de Nassau firent entrer dans le leur le General Ney & le sieur de Verreyken. Puis le ieune Comte de Hohenlo avec les Seigneurs de la suite du Prince s'entre-meslerent avec ceux qui accompagnoient les Deputez, & ainsi entrèrent dans la haye, où le Prince conduit le Marquis iusques à son logis.

Pour traicter avec eux furent Deputez de la part des Estats le Comte Guillaume de Nassau: & les sieurs de Loc, de la part de Gueldre, de Brederode & Baruel, de Hollande: de Malderice, de Zelande: Berk, d'Vtrecht: Gilma, de Fricze: de Schlooc, d'Overyffel: Conderis, de Groningue: avec Brok, Sindic de la ville de Dort, Greffier du Conseil des Estats.

Estoient aussi à la haye pour assister audit traicté, les Ambassadeurs des Roys de France, d'Angleterre, & de Dannemark, du Comte

*Deputez des Estats pour traicter de la Paix.*

*Ambassadeurs assistans audit traicté.*



**Image issue du site [mercurefrancois.ehess.fr](http://mercurefrancois.ehess.fr) - Cliché (c) Cécile Soudan**